

Sakspapir

Sakshandsamar	Arkiv	ArkivsakID
Frode Vee-Haugen	FA-U63	20/427

Saknr	Utval	Type	Dato
028/2020	Kommunestyret	PS	14.05.2020

Søknad om serverings- og skjenkeløyve for Stordalen Oppleving AS

Vedlegg:

Journalposttittel
Tegning skjenkeløyve

Dato
07.05.2020

Rådmannen sitt framlegg til vedtak:

1. Nytt serverings- og skjenkeløyve vert tildelt desse løyvehavarane v/dagleg leiar: Stordalen Oppleving AS ved Lise Kristine Viken.
2. Desse vert godkjend som styrar og avløyssarar for serveringsløyvet og skjenkeløyvet:
Styrar: Lise Kristine Viken, 5915 Hjelmås
Avløyssar: Hans Henrik Fanebust, 5936 Manger
3. Løyvet omfattar desse lokala/uteareal i Stordalen fjellstove:

Restaurant og salong med uteterrasse i 2. etasje. Pub, møte- og selskapslokale i 1. etasje, samt uteområde under altan utanfor salong med dør ut frå salong. Minibar på overnattingsrom. Tal på sitjeplassar innandørs er sett til 250 kvm og tal på sitjeplassar, utandørs 60 kvm. Skjenkearealet innandørs er på om lag 300 kvm og skjenkearealet utandørs er på om lag 120 kvm medrekna område under terrasse.

4. Skjenkeløyvet gjeld for øl, vin (alkoholgruppe 1 og 2) frå kl. 13.00 til kl. 01.00 og for brennevin (alkoholgruppe 3) frå kl. 13.00 til kl. 24.00.
5. For slutta selskap gjeld utvida løyve for alkohol i gruppe 1, 2 og 3 frå kl. 13.00 til kl. 02.00.
6. Det er eit vilkår at det vert matservering i både pubdel og kafeteriadel av lokala.
7. Skjenkeløyvet gjeld frå dags dato til og med 31.03.2024, jfr. alkohollova § 1-7.
8. Serveringsløyvet er uavgrensa av dato for denne eigaren og denne lokaliteten.

Saksopplysningar:

Bakgrunn

Stordalen Oppleving AS ved Lise Kristine Viken har sendt inn søknad datert 07.05.2020 om nytt serverings- og skjenkeløyve for Stordalen fjellstove i samband med at verksemda har fått ny eigar og

er overteke av ho sjølv og Stordalen fjellstove AS.

Uttale

Søknaden vart sendt til uttale til politiet, NAV Fensfjorden og skatteoppkrevjaren den 7. mai 2020 med svært kort uttalefrist 11.05.2020.

Uttale frå skatteoppkrevjaren datert 11.05.2020:

«Skatteoppkrevjaren har ingen merknader til at Stordalen Fjellstove As får tildelt serverings- og skjenkeløyve.

Sjå vedlagte skatteattestar.»

Uttale frå politiet datert 8.05.2020:

«Politiet viser til brev av 7. mai 2020 og søknad om serverings- og skjenkeløyve av same dato. Politiet har ikkje merknader til at det vert gjeve serverings- og skjenkeløyve som søkt om. Politiet har ikkje merknader til dagleg leiar/ styrar for skjenkeløyve, avløyser for skjenkeløyve eller nokon av dei som har økonomisk interesse i drifta.»

Uttale frå NAV Fensfjorden datert 12.05.2020:

NAV Fensfjorden har vurdert søknad om nytt serverings- og skjenkeløyve frå:

Org.nr. 998563615 - Stordalen Fjellstove.

Vi har ingen merknadar til søknaden slik den føreligg.»

Fakta

Stordalen oppleving AS sitt løyve gjekk ut 31.03.2020 og Laila Bolstad og Bjørn Eikefet la ned drifta den 1. februar. Aksjefordeling for dei nye eigarane er fordelt med 10 % på Lise Kristine Viken og 90 % på Stordalen fjellstove AS. Sjå aksjekjøpsavtale datert 2. mai 2020.

Søknaden om skjenkeløyve gjeld alkoholgruppe 1, 2 og 3 (høgst 60% alkohol) alle dagar frå kl. 13.00 til kl. kl. 01.00 både utandørs og innandørs. Talet på sitteplassar innandørs er 250 og utandørs 60.

Bruk av arealet:

«Omfatter restaurant og salong med uteterrasse i 2. etasje. Også pub og møte- og selskapslokale i 1. etasje.» Her ynskjer også dei nye eigarane og ta i bruk uteområde under altan med dør ut frå salongen.

På vedlagt teikning er skjenkearealet inne markert med lysegrønt og utearealet markert med lyseblått.

Opningstidene er sett opp slik:

Innandørs og utandørs frå kl. 12.00 - kl. 20.00 alle dagar unnateke fredag og laurdag og kl. 12.00 – kl. 01.00 fredag og laurdag. Ønskt skjenketid er sett opp frå kl. 13.00 til 01.00.

Perioden for uteservering er avgrensa frå 22. mai til 27. september.

Tal på sitjeplassar er sett til 250 kvm og tal på sitjeplassar utandørs 60 kvm. Skjenkearealet innandørs er på om lag 300 kvm og skjenkearealet utandørs er på om lag 120 kvm medrekna område under terrasse.

Rutinar for skjenkestaden:

«Alle ansatte vil få opplæring/oppfølging i å påse at kravene i alkoholloven og bevillingen overholdes. En egen perm med internkontroll vil foreligge, og de ansatte må signere på at de har lest og forstått reglene for servering av alkohol. Det er ikke planlagt noe ekstra vakthold da dette ikke er et utested med mange besøkende. Det er hovedsaklig servering i restauranten og i selskaper. Skulle det være nødvendig, og vise seg å bli travelt når puben er åpen, vil vi sette inn ekstra bemanning.»

Som dagleg leiar for serveringsløyvet og styrar for skjenkestaden er ført opp Lise Kristine Viken. Som avløyssar for serveringsstaden og skjenkeløyvet er ført opp Hans Henrik Fanebust. Begge har gjennomført etablererprøven og kunnskapsprøven i alkohollova.

Vurdering

Kommunen har til no ikkje motteke kontrollrapportar eller klager av nokon art som tyder på at reglane i alkohollova med forskrifter ikkje har vore følgt for denne skjenkestaden. Erfaringane med dei etablerte løyva så langt har vore gode.

Politiet, NAV Fensfjorden og skatteoppkrevjaren har ingen merknader til at aktuelle søkarar får skjenkeløyve.

Skjenkestaden er ikkje nærområder for barn og ungdom, slik dei no er definert i alkoholpolitisk handlingsplan pkt. 2.4: "Opphaldsstader og nærområder for born og unge er definert som samlingsstader som vert brukt til leik, aktivitetar i skule og/eller fritid.

Prinsippet om likebehandling av skjenkesøknader må stå sterkt, det same gjeld behovet for harmonisering av dei lokale skjenkevilkåra.

Det skal sterke grunnar for å ha vesentleg ulike opningstider mellom skjenkestadene eller aldersgrense for nokon men ikkje for andre.

Alle skjenkestadene er i større eller mindre grad ein del av det totale reiselivsproduksjonen i kommunen sjølv om ikkje alle har overnattingstilbod, sjå også pkt. 6 i alkoholpolitisk handlingsplan.

I alkoholpolitisk handlingsplan pkt. 4.1 er der slått fat at «Skjenkeløyve for alkoholgruppe 3 vert berre gjeve til overnattingsverksemd.» Stordalen Fjellstove må ein kunne definere som overnattingsverksemd.

Etablerte skjenkestader har også i denne løyveperioden får utvida løyve i samband med lukka einskildarrangement eller såkalla slutta lag.

Løyvehavar har dokumentert gode kunnskapar om alkohollova sine reglar og drift av serveringsstad,

ved at både styrarar og avløyisar har greidd kunnskapsprøven og eteblererprøven.

Konklusjon

Det vert gjeve serveringsløyve og skjenkeløyve til Stordalen Oppleving ved Lise Kristine Viken for Stordalen fjellstove slik det er søkt om. Dette gjeld både inneservering og uteservering.

Kommunestyret - 028/2020

KS - behandling:

Framlegg til vedtak vart samrøystes (16 røyster) vedteke.

KS - vedtak:

1. Nytt serverings- og skjenkeløyve vert tildelt desse løyvehavarane v/dagleg leiar:
Stordalen Oppleving AS ved Lise Kristine Viken.
2. Desse vert godkjend som styrar og avløyisarar for serveringsløyvet og skjenkeløyvet:
Styrar: Lise Kristine Viken, 5915 Hjelmås
Avløyisar: Hans Henrik Fanebust, 5936 Manger
3. Løyvet omfattar desse lokala/uteareal i Stordalen fjellstove:

Restaurant og salong med uteterrasse i 2. etasje. Pub, møte- og selskapslokale i 1. etasje, samt uteområde under altan utanfor salong med dør ut frå salong. Minibar på overnattingsrom. Tal på sitjeplassar innandørs er sett til 250 kvm og tal på sitjeplassar, utandørs 60 kvm. Skjenkearealet innandørs er på om lag 300 kvm og skjenkearealet utandørs er på om lag 120 kvm medrekna område under terrasse.

4. Skjenkeløyvet gjeld for øl, vin (alkoholgruppe 1 og 2) frå kl. 13.00 til kl. 01.00 og for brennevin (alkoholgruppe 3) frå kl. 13.00 til kl. 24.00.
5. For slutta selskap gjeld utvida løyve for alkohol i gruppe 1, 2 og 3 frå kl. 13.00 til kl. 02.00.
6. Det er eit vilkår at det vert matservering i både pubdel og kafeteriadel av lokala.
7. Skjenkeløyvet gjeld frå dags dato til og med 31.03.2024, jfr. alkohollova § 1-7.
8. Serveringsløyvet er uavgrensa av dato for denne eigaren og denne lokaliteten.